



59772

III Mag. St. Dr.

P

Teol. 4228

Oborski Nicolai: Conclusiones theologicae de le
gibus ex D. Thomas

Marschall Moltke der 2. Gral.
Feststellung theologische der Regierung in Sachsen.

C
I
II

CONCLVSIONES
THEOLOGICÆ
DE LEGIBVS.
EX
D. THOMA.



ad.



59772

D
CO
TO

ex cui
mente o
tias in
let, cen
parsmo
enim ta
arena e
uentur
vectiga
Te PR
Nam v
sthenis
quam d
Legibus
bonus ar
bus imm
pestatem
pressum
ex Bened

EXIMIO ET ADMODVM REVERENDO DOMINO,

D. BONIFACIO ROSTOCKI. COMMISSARIO NUNCII APOSTOLICI, PRIORI TYNECENSI DIGNISSIMO,

A C
TOTI TYNECENSIS CÆNOBII NO-
BILISSIMÆ COMMVNITATI,
ORDINIS S. BENEDICTI,
Dominis, & Patronis Colendissimis:

ITerum bodie Thomas Benedicti Vmbras quærit. Eximie & Admodūm Reuerende, Dñe PRIOR Dignissime. nec iam in Cassino Pago ast in sacro Legibus Areopago eius Nomini famulatur. Meruit quippe sanctum Benedicti Ascetorium, ut non solum bullatæ virgulta ætatis, verum & Doctoralem ei Thomas acclinaret exedram, ex cuius sacro nemore radices sumpserat. Vicinum cælis Benedicti Montem nunc mente conscendit: ut ubi rationis attigerat usum, dictamen explicit rationis. Gratiæ in immensum suo diffusas Ordini mensurat Legibus; quas dum recensere non vallet, censum parat. Quippe abunda munera frequentia, interdum reminiscentæ parsimoniam infert. & largo fonte effusæ dotes, memoriam cogunt naufragare. Quis enim tam locupletes Gratiarum Myriades reducet ad calculum, quibus recensendis arena est exigua & viuunt haec tenus alto commendatae pectori; proindeq; auroris mouentur ad nutus. Trahit voluntatem exuperans in Benedicti nomine bonitas, sibi & vectigalem extorquet amorem. Quem verò aptius, hac parua contingat portio, si non Te PRIOR Dignissime, qui & nomine & Munere affinis es BENE DICTO? Nam ubi Ille dicere, Tu facere bene nosti. Gestet Benedictus tonantia eloquio Demosthenis Ora: Tu benefacientis Titi faciem portas, hoc uno felicior ab eo, quod nunquam diem perditurus sis, Thomistici solis stipatus meridie. Ultrad ille Theologicis Legibus quas bene scripsit, Tuum latus ambit, ut Benedicto affini Bonifacio, etiam bonus arrideat scriptor. Hinc liceat Nobis ex tam largâ bonitatis congerie, bonis autibus imminens redimire certamen, quibus et si aduersorum Aquilo sudoris inducat tempestatem, illam tamen ROSTOCIANA Manus gemmis temperabit, dum ex suo expressum nomine effundet rorem. Claro iam omne Victrices nobis adumbrant palmas ex Benedicti spineto pullulantes ROSTOCIORVM ROSÆ, quæ inquilinas sui, cer-

tamini nostro deuouent Gratias. Olim Athanis reperta in primis fundamentis ROSA,
secundissima prosperitatis explicauit indicia: At perfectiorum nobis spondet fortunam,
quia in se perfectus Tuorum florum ternio. Nulliusq; easus nos pauidos sinit. Nam
siue langueat animus, siue titubet ratio, autis Tuis floribus fulcietur. Nec Te bic
labenti prætermitto memoriam, buius Capitis Nobile Corpus TYNECENSE CÆ-
NOBIVM, cuius emerita Virtutis verticem potestatis symbolæ coronant claves. Hinc
ultrò etiam Leges nostræ quæ potestatem quandam spirant, in Tuo fauore sperant:
grandem à Te præstolantes tutelam, pro quarum vigore etiam vibratum rotas mucro-
nem. Nonnemo Legibus annuere calamo volens, eis duos excitauit colesso, vni dia-
dematum ternionem, alteri Ensem commendans, addito: Nititur his Regnum. Hu-
ius viuum in Te nitet prototypon. Triplex ROSTOCIORVM ROSA Legibus ve-
tigales coronat animos; TYNECENSIS Mucro rebelles arcet: Orbemq; in sui co-
git stuporem, quam fauenti pectore Legum foueat vigorem. Ita semper Legum appre-
ciabas valorem facundissima Iustorum Mater, TYNECENSE CÆNOBIVM: Pro-
hinc etiam hanc viuam animi mei tesseram Tu ne cense vilem, quam Tibi Thomistica
euoluit Palæstra. Non degeneres Benedicti Filij huic benedicite Operi, in Crucem
actis autis clauibuss quibus et si fortuna gazas aperire concessum, nec Conclusionum
nihilominus abhorrescite clausulas. Nobilissimæ Communitati Vestræ bonum commu-
ne spirant, quia Legibus animantur. Te vero cuius tanquam Capitis influxum mem-
bra capiunt Dignissime PRIOR iterum interpello, ut Fraterni affectus sincerum
non dederis candorem. Illustriores quanquam merebaris Titulos, verū etiam
Lex hæc, Lux tua quandoq; erit. Erumpet ex asceticis lucis, luculentæ meridies lu-
cis, & postquam Te aris ceu Tyry Herculem Legum adstrinxerit obligatio: Tyaris
dignum reddet. Incolumes Tibi augebit horas, & in summo Fortuna auge aeternum
stamen dabit. Quodsi cæteri quibus fata indixerunt excidium, sine Lege peribunt:
Tu cum nostris Legibus perennabis. Nisi forte vel idèò hunc exilem meum dederis
laborem, quod cum Legibus Te conueniam, quem ad Leges parato aggredi expedit pe-
ctore. Ergo ut huic satisfaciam nodo: postquam Te in ROSTOCIANARVM
ROSARVM prima, primum cæteris, in secunda, secundiorum omnibus volui, nunc
venerabundus posco, mihi in tertia Legem pone.

Eximiæ & Admodùm Reuerēdæ Domina-
tionis Vestræ, totiusq; Nobilissimæ Ty-
necensis Communitatis,

Deuotissimus seruus

Fr. NICOLAVS OBORSKI Sacr. Theol.
Præsentatus, Generalis Studij Cracoviensis
Baccalaureus, Ord. Prædic.

SELE-

SELECTORES CONCLVSIONES THEOLOGICÆ DE LEGIBVS.

Ex Prima secundæ Angelici Doctoris, à Quæstio-
ne nonagesima, vsq; ad Quæstionem centesimam
Octauam inclusiue, transsumptæ.

I.

CVM ex D. Augustino remotâ iustitiâ, nihil aliud sint Regna, ni-
si magna latrocinia : meritò necessitas Legum inde colligitur.
Nam Leges nedum sunt fundamenta Reipublicæ, quibus nixa hæret, & firma-
in cæpto perseuerat bono. Verùm nerui & sanguis à Tullio appellantur, qui-
bus quisq; & ad officium iubendo vocatur, & à fraude vetando retrahitur. Ve-
rùm quia alia est ratio Theologis, à Iurisprudentibus de Legibus tractandi, cùm
illi considerent eas, vt ordinant nos in communem Reipublicæ pacem : Nos
autem tractamus de eis, vt ordinant nos ad æternam illam, quæ in Dei visione
sita est, felicitatem. Iure meritò Lex à nobis cum Angelico Doctore definitur:
Quòd sit quædam rationis ordinatio, ad bonum commune, ab eo qui curam
communitatis habet, promulgata.

II.

HÆC autem Lex quantum ad suam substantiam, non in intellectu simul &
voluntate, neque in voluntate formaliter, sed in actu intellectus consistit,
cùm eius munera sit, præcipere & imperare: Licet præsuppositiue, & de con-
notato importet actum voluntatis: Nam proprium est Legis mouere subditos
ad aliquid agendum.

III.

ET quia ex Isidoro, Lex nullo priuato commodo, sed pro communi utilita-
te Ciuium conscripta est: Ideò asserimus de ratione Legis esse, quæ debet
esse permanens, & quasi perpetua, quòd pro communitate feratur. Potestas
autem ferendi talem Legem, solum pertinet ad multitudinem, vel ad eum,
qui curam multitudinis habet.

IV.

PRomulgationem ad hoc, vt Lex obliget in actu secundo, necessariò requi-
rimus, quam quidem promulgationem licet in definitione Legis includamus,
illam tamen non esse de essentia Legis, vt rationem formalem firmiter tenemus,
sed solum eam adstruimus per modum conditionis necessariò requisitæ, ad hoc
vt actu obliget subditos.

B.

V.

Legem generaliter diuidimus in Diuinam & Humanam. Primam dicimus vim suam immediatè ab authoritate Dei habere: Secundam procedere immediatè ab authoritate humana à Deo accepta. Diuinam subdiuidimus, in Æternam, Naturalem, & Positiuam. Positiuam subdiuidimus in Veterem, & Nouam. Humanam autem subdiuidimus in Ecclesiasticam & Ciuilis. Ecclesiastica quæ alias vocatur Ius Canonicum, diuiditur in Decretum, & Decretales. Ciuilis constat ex Codice Imperatoris Iustiniani, qui duodecim Libris absoluuntur, ex quinquaginta Libris Digestorum, ex quatuor Libris Institutionum, & ex uno Libro Nouellarum.

VI.

Cùm autem de ratione Legis sit, quòd & ostendat hominibus, quid agere, vel omittere debeant, & procedat à superiori eiusque voluntatem continent, inde est: quòd duplex officium Legis assignemus, Vnum quòd dirigat nos tro actus, aliud quòd per eam obligentur subditi ad eius obseruantiam. Effectus autem eius præcipuus est, quòd reddat homines bonos, vel simpli- citer, vel secundùm quid.

VII.

LEx Æterna quæ est ratio Diuinæ sapientiæ existens in Deo ab æterno secundùm quod est directua omnium actuum, & motionum singularum creaturarum, in Ordine ad bonum commune totius Vniuersi; differt tum ab idea, tum à prouidentia. Ab hac autem Lege Æterna aliæ Leges tanquam à fonte profluunt, & ei omnes creaturæ subiiciuntur, tam rationales ut quidem præcipienti & obliganti; quam irrationalies, ut quidem ordinanti & mouenti ad suos fines.

VIII.

LEx naturalis quæ est quoddam dictamen rationis naturalis nobis ab Authorre naturæ inditum, non consistit in ipsa natura rationali, neq; est ipsum lumen intellectuale in actu primo, neq; in solo Iudicio ostensuo boni & mali: sed consistit in Iudicio præceptivo, nimirum in actu imperij. Ad hanc autem Legem licet omnia Præcepta Decalogi excepto tertio, quantum ad sanctificationem sabbathi spectent: tamen potest dari ignorantia vincibilis circa aliqua præcepta, quæ difficiili discursu & magno labore ex Præceptis vniuersalissimis deducentur: Qualia sunt Præcepta, quæ prohibent aliquos contractus, qui reuera usurarij & simoniaci sunt, tales tamen euidenter non apparent.

IX.

Legem Humanam præter naturalem, & Diuinam hominibus esse necessariam firmiter contra Lutherum defendimus. Quæ quidem iuxta Isidorum debet esse honesta, iusta, possibilis, secundùm naturam, secundùm consuetudinem Patriæ, loco & tempori conueniens, utilis, necessaria, manifesta, nec priuato commodo, sed pro communi ciuium utilitate conscripta. Hæc autem Lex Humana ad hoc ut obliget subditos, non requirit consensum, & acceptationem populi, sed sufficit quod iusta sit, & legitimè promulgata.

X.

X.

ADesse potestatem legislatuam Ciuiem, tum in Republica, contra Anabaptistas sustinemus, tum in Ecclesia Dei, cum Concilio Tridentino sessione sexta, Canone vigesimo intrepide contra Caluinistas asserimus. Hanc autem potestatem in Ecclesia Dei habet summus Pontifex immediate à Christo, quatenus eam tradidit Petro, non personaliter, sed ut Vicario. Et propterea summus Pontifex licet non habeat potestatem politicam, & iurisdictionem temporalem in totum Orbem Christianum, ratione tamen potestatis spiritualis, potest disponere circa temporalia. Episcopi etiam habent potestatem Legislatuam in ordine ad proprias Ecclesias, & Summo Pontifici subordinatas. Item Prælati Religionum habent eandem Potestatem Legislatuam ex concessione Summorum Pontificum, limitatam tamen taliter, quod non possint Prælati Religionum suis subditis imponere nouas Leges quo ad ea, quæ sunt supra, vel præter eorum Regulam.

XI.

Quamvis Lex Humana non posset obligare ad actus pure internos, qui nullo modo per exteriores manifestantur, nec cum illis aliquam connectionem habent: tamen obligans ad illos actus internos, qui per exteriores sufficienter manifestantur, taliter obligat, quod eas transgrediens reus sit culpas apud Deum, & etiam aliquando obligat cum dispendio propriæ vitæ. Hic autem Legi subduntur nedum illi, qui subduntur alicui potestati, sed etiam ipsimet Principes & Legislatores.

XII.

Leges Humanæ sicut possunt aliquando ex rationabili causa mutari, ita & à viris doctis interpretari. Dispensatio autem quæ est quedam iuris relaxatio, licet non cadat in Legem Diuinam, & Naturalem, benè tamen in Legem Humanam. Superior tamen subditum sine iusta causa à Lege Humana dispensare nequit. Si tamen subditus tali dispensatione vtatur, non peccat, quia vtitur jure suo.

XIII.

LEx Vetus quæ vocatur Lex Moysis, fuit à Deo data per Angelos in monte Synai. Quæ nedum est bona, sancta, sed etiam vtilis: Non tamen fuit perfecta comparatiuè ad Legem Euangelicam. Hæc autem Lex Moysica triplicia in se continebat Præcepta. Moralia, & hæc spectabant ad retributinem naturalem populi Iudaici. Cæremonalia, & hæc pertinebant ad cultum Diuinum; & Iudicialia, & hæc pertinebant ad iustum politiam. Hæc autem Lex Vetus desijt obligare non quidem ante Christi mortem, sed in ipsa Christi morte, & Resurrectione.

XIV.

LEx noua seu Euangelica, quæ est à Christo Domino instituta, Præcepta triplicis generis in se continens, nempè, moralia, Sacramentalia, & Fidei, licet non sit data à principio mundi, est tamen duratura usque in finem mundi.

Quæ multipliciter à Veteri differt, nam Noua per Spiritum Sanctum cordibus hominum fuit insculpta; Vetus in tabulis lapideis conscripta. Noua nos iustificat: Vetus non; Noua est instituta pro Filiis & Hereditibus; Vetus pro seruis. Noua Mysteria fidei explicitè credit, Vetus solùm implicitè. Noua promittit nobis bona spiritualia, Vetus temporalia. Noua est veteris perfectio & complementum, Vetus umbra, & figura nouæ. Tandem ut concludam cum Diuo Augustino, Vetus fuit Lex timoris, Noua autem Lex amoris. Ac proinde æterno Amori, nobis Legem Gratiae, per suam mortem & Resurrectionem conferenti.

Sit Laus, Honor, Virtus, & Gloria.

Disputabuntur publicè in Conuentu Sanctissimæ Trinitatis, Fratrum Prædicatorum die Decima Aprilis, Anno Domini 1690.
Obiectis satisfaciet Venerabilis P. Fr. NORBERTVS ZIEMKIEWICZ, studens formalis; sub assistentia Reuerendi admodum P. Fr. NICOLAI OBORSKI, Sacrae Theol. Præsentati, Studij Generalis Cracou: Baccalaurei.



7. xxii. 29.

m. cordi-
Noua nos
Vetus pro-
. Noua
ris perfe-
t conclu-
x amoris.
m & Re-

Fratrum
9 o.
EMKIE-
P. Fr.
R-

n. 29.

Biblioteka Jagiellońska



stdr0024515

